



Grad Tuzla

Na osnovu člana 4. **Pravilnik o kriterijima i postupku raspodjele sredstava za sufinansiranje manifestacija sa pozicije „Grant za kulturnu manifestaciju-Ljeto u Tuzli“** („Službeni glasnik Grada Tuzla“, broj 5/17), Služba za ekonomski razvoj i društvene djelatnosti Grada Tuzla, dana 07.05.2018. godine, objavljuje:

JAVNI POZIV za dodjelu finansijskih sredstava za manifestacije iz kulture sa pozicije „Grant za kulturne manifestacije-Ljeto u Tuzli“

I Predmet javnog poziva:

Služba za ekonomski razvoj i društvene djelatnosti Grada Tuzla poziva sve organizacije civilnog društva i javne ustanove kulture (u daljem tekstu aplikanti) sa područja grada Tuzla da dostave prijedloge manifestacija iz sljedećih prioritetnih oblasti:

- pozorišne, muzičke i plesne manifestacije
- izložbe i druge manifestacije u likovnoj djelatnosti
- promocije knjiga i brošura, muzičkih dijela i fotografija,
- manifestacije iz oblasti filmske i audiovizuelne djelatnosti
- vjersko-kulturne manifestacije
- manifestacije koje promovisu kulturno-historijsko naslijeđe
- manifestacije na području kulturno-umjetničkog amaterizam
- muzički festivali,
- manifestacije koje afirmišu kulturu i tradiciju Tuzle,

U Budžetu Grada Tuzla za 2018. godinu, obezbjeđena su sredstva za podršku manifestacija iz kulture u organizaciji organizacija civilnog društva i javnih ustanova kulture pozicionirana kao:

- „Grant za kulturne manifestacije-Ljeto u Tuzli“, **u iznosu od 40.000,00 KM.**

Namjenskim budžetskim sredstvima Grada Tuzla zainteresovani **aplikanti mogu sufinansirati manifestacije kojim apliciraju, a dio sredstava moraju osigurati od drugih donator ili iz vlastitih izvora. Svaki aplikant može aplicirati sa maksimalno 2 manifestacije. Po apliciranoj manifestaciji maksimalno se mogu dodijeliti 2.000,00 KM.**

Odobrenim budžetskim sredstvima aplikanti mogu finansirati administrativne troškove i troškove osoblja u maksimalnom iznosu do 20%, dok su preostali dio aplikanti dužni predvidjeti za programske aktivnosti podržavanog projekta. **Neće se finansirati troškovi koji se odnose na ugostiteljske usluge.** Grad Tuzla zadržava pravo da ne dodijeli sva dostupna finansijska sredstva.

II Pravo učešća:

Pravo učešća na Javni poziv mogu ostvariti organizacije civilnog društva i javne ustanove kulture sa sjedištem na području grada Tuzla.

Sredstva se mogu dodijeliti i aplikantima sa sjedištem izvan grada Tuzla, a koji su registrovani na području Bosne i Hercegovine, samo u slučaju ako se manifestacija održava u gradu Tuzla što će se cijjeniti u svakom konkretnom slučaju.

Na Javni poziv mogu se prijaviti aplikanti koji moraju zadovoljiti sljedeće opće uslove:

- a) da su osnovani i registrovani u Bosni i Hercegovini,

- b) da su vođeni od strane državljana Bosne i Hercegovine,
- c) da ne obavljaju aktivnosti u ime političkih partija
- d) da svoje aktivnosti realizuju na području grada Tuzla.
- e) da se radi o manifestacijama koje počinju 1. juna, a završavaju 20. septembra tekuće godine

III Prijavna dokumentacija:

Prijava na Javni poziv podnosi se na prijavnom obrascu koji se nalazi uz Javni poziv na zvaničnoj stranici Grada Tuzla (grad.tuzla.ba)

Aplikanti dostavljaju prijedlog manifestacija nadležnoj Službi, putem protokola Grada Tuzla (Centar za pružanje usluga građanima) i isključivo putem prijavnog obrasca koji je sastavni dio javnog poziva.

Uz prijavni obrazac, aplikant je obavezan da dostavi i sljedeće dokumente:

- 1. Prijedlog manifestacije - mora sadržavati sljedeće podatke:**
 - a. naziv i opis manifestacije (do dvije kartice)
 - b. naziv nosiocamanifestacije
 - c. kratke informacije o aplikantu;(dosadašnji uspjesi aplikanta)
 - d. ciljevi manifestacije
 - e. ciljne grupe
 - f. korisnost manifestacije za lokalnu zajednicu
- 2. Detaljno razrađen finansijski plan**
- 3. Podatke o osobama koje realizuju projekat (kraći CV);**
- 4. Rješenje o registraciji**
- 5. Broj bankovnog računa, naziv nosioca računa (aplikanta), naziv banke,**
- 6. Identifikacijski broj**
- 7. Uvjerenje o izmirenim poreskim obavezama**
- 8. Završni godišnji finansijski izvještaj za prethodnu godinu (bilans stanja i bilans uspjeha)**

Aplikant uz prijavu dostavlja fotokopije tražene dokumentacije, originalni dokumenti bit će zatraženi na uvid u slučaju da projekat bude odobren.

Ukoliko aplikant kojem su dodijeljena sredstva iz Budžeta, po bilo kojem osnovu, po javnom pozivu za prethodnu godinu nije dostavio izvještaj, ne može učestvovati u raspodjeli sredstava za tekuću godinu.

Nepotpuna dokumentacija i dokumentacija dostavljena izvan predviđenog roka, neće se uzeti u razmatranje. Prijave na javni poziv koje ne zadovoljavaju bilo koji od ispod navedenih kriterija biće odbačene:

- prijava na javni poziv nije blagovremena;
- nedostaju formalni uvjeti za kandidiranje manifestacije (nepotpuna ili netačna dokumentacija);
- nije opravdan utrošak sredstava za ranije odobrene projekte ili manifestacije (nije dostavljen finansijski i narativni izvještaj);
- prijavni obrazac nije popunjen u potpunosti;
- manifestacijom se podržava rad političke stranke;
- nedostaju ključne informacije manifestaciji;

IV Predaja aplikacija:

Prijave na Javni poziv na propisanim obrascima (sa kompletnom zahtjevanom dokumentacijom), u zatvorenoj koverti, potrebno je dostaviti na protokol Grada Tuzla (Centar za pružanje usluga građanima) ili poslati preporučenom poštom na adresu:

GRAD TUZLA

**Služba za ekonomski razvoj i društvene djelatnosti Ulica ZAVNOBIH-a broj 11 75000 Tuzla
sa obaveznom naznakom:**

„JAVNI POZIV

za dodjelu sredstava na ime podrške manifestacija z kulture sa pozicije „Grant za kulturne manifestacije-Ljeto u Tuzli“ Ne otvarati“.

Javni poziv je otvoren **8 dana** od dana objavljivanja, odnosno do **15.05.2018. godine**.

Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Aplikacije sa nepotpunom dokumentacijom i dostavljene izvan predviđenog roka, neće se uzeti u razmatranje.

Sve dodatne informacije o načinu i postupku učešća u Javnom pozivu mogu se dobiti u Službi za ekonomski razvoj i društvene djelatnosti Grada Tuzla, direktno ili putem telefona: 035 307-317; 307-413, 307-415, te slanjem pitanja na e-mail adresu: kultura@tuzla.ba sa naznakom „Za Javni poziv“.

Dani otvorenih vrata za sve zainteresovane aplikante održat će se 10.05.2018. godine, u 12 sati, u Sali za sastanke, u prizemlju Gradske uprave Tuzla.

Rezultati će biti objavljeni na web stranici Grada Tuzla: grad.tuzla.ba.